



Centralna banka BiH

BAJRAKTAREVIĆ OSUMNJIČEN ZA KRAĐU 600.000 KM

Osumnjičeni je bio referent za gotovinske transakcije u Odjeljenju za trezorske poslove (suključar) u Centralnoj banci i trezoru • U tri navrata od 2012. do 2014. krao novčanice u apoenima od 200 KM

U okviru redovne i vanredne kontrole stanja trezora, primjenom sistema interne kontrole, u trezoru Glavne jedinice Sarajevo Centralne banke Bosne i Hercegovine utvrđen je manjak u iznosu od 600.000 KM.

Istraga

Guverner Centralne banke Bosne i Hercegovine Kemal Kozarić obavijestio je o tome istražne organe koji provode istragu, u okviru koje je identifikovan počinitelj Nedžad Bajraktarević (1975) koji je priznao učinjeno djelo i predat Agenciji za istrage i zaštitu BiH (SIPA) na dalji postupak. U okviru svojih nadležnosti, guverner je suspendovao devet zaposlenih dok traje istražni postupak, te će poduzeti sve potrebne mjere u skladu sa istragom.

Policijски službenici SIPA nakon kriminalističke obrade u službenim prostorijama SIPA predali su osumnjičenog na dalje postupanje Tužilaštvu BiH, kojeg su prethodno uhapsili pripadnici MUP-a Kantona Sarajevo. Osumnjičeni je predat Tužilaštvu BiH uz izvještaj o počinjenom krivičnom djelu zbog postojanja osnova sumnje da je počinila krivično djelo pronevjera u službi.

Tužiteljstvo BiH pokrenulo je opsežnu istragu s ciljem otkrivanja svih detalja vezanih za otuđenje



Kontrolom utvrđen nedostatak novca

600.000 KM iz Centralne banke BiH, saopćeno je iz ove institucije. Bajraktarević je osumnjičen da je zloupotrebom položaja referenta za gotovinske transakcije u Odjeljenju za trezorske poslove (suključar) u Centralnoj banci i trezoru, otuđio 600.000 KM, u novčanicama u apoenima od 200 KM, u tri navrata od 2012. do 2014.

Pritvor

Postupajući tužitelj naredio je poduzimanje više istražnih radnji, a naredeno je poduzimanje aktivnosti da se spriječe bilo kakve zloupotrebe i nanošenje štete ovoj instituciji koja je od vital-

nog značaja za državu BiH.

Tužitelj Tužiteljstva BiH uputit će prijedlog za određivanje mjere pritvora u trajanju od 30 dana za osumnjičenog zbog opasnosti da bi boravkom na slobodi mogao ometati istragu, prikrivati dokaze, te vršiti utjecaj na svjedoke ili saučesnike.

Guverner Centralne banke BiH Kemal Kozarić je istakao da su organi koji provode istragu djelovali efikasno, te očekuje da se postupak istražnih i sudskih organa što prije okonča. S obzirom na to da je istraga u toku, Centralna banka BiH u ovom trenutku nije u mogućnosti davati više informacija.

J. Sa